

# REFERAT TAA - Teknikkeqarnermut Avatangiisinullu Ataatsimiititaq d. 08-08-2024

**Mødedato** Torsdag d. 08. august 2024 kl. 14:00

**Mødested** Kommunalbestyrelsen's ataatsimiittarfiani

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	6
Paamiunut ataatsimiititap angalanissaa, ukiaq 2024.....	8
Upalungaarsimaneq pillugu sanaartornermut naatsorsuutit - 2023.....	10
Upalungaarsimasunut ingerlatsinermit naatsorsuutit - 2023.....	12
Nuummi sumiiffiit aqquuserngillu taaguuserneqartussat.....	15
2025-mut missingersuutit.....	18
Ukkusissat Kangilequtaatigut aqquutissaliorneq.....	21
Inissiaqarfimmi ulloq unnuarlu angerlarsimaffik – Isaajap Aqq., Nuuk.....	24
Apummik sisoortoqartillugu upalungaarsimanermit oqallissaarut.....	27
Tamalaat.....	30
Imaqarniliap akuerineqarnera.....	31

## **Punkt .: Saqqaa**

Justus Hansen, **Siulittaasoq** (D)  
Uju Petersen, **Siulittaasup tullia** (IA)  
Naya Sophia Pedersen Lyberth (IA)  
Peter Davidsen (S)  
Storm Ludvigsen (A)

### **Beslutning**

Ataatsimeeqataasut:

Justus Hansen

Uju Petersen

Naya Sophia

Peter Davidsen

Storm Ludvigsen

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.



**Punkt .: Nalunaarutit**



# Punkt 1: Paamiunut ataatsimiititap angalanissaa, ukiaq 2024

## Beslutning

Ilisimatitsissut tusaatissatut tiguneqarpoq. Saaffiginnittoqarsinnaanera pilersaarummut ilanngunneqassaaq, taannalu sap.ak. 46 pissaaq.

## Bilag

Siulittaasup aalajangiinera ullulerlugu atsiorneralu

## Ataatsimiititap Paamiunut angalanissaa, ukiaq 2024

Siulittaasup aalajangiineranik ilisimatitsissut

Ilisimatitsissut

SagID.: EMN-2024-00966

Suliffeqarfimmut Kiffartuussivik – Kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussiviup Illoqarfimmik Ineriartortitsinermut Sanaartornermullu Ataatsimiititamut inassuteqaatigaa:

1. ilisimatitsissut tusaatissatut tiguneqassasoq

### Suliassamik saqqummiussineq

Kommuneqarfik Sermersuumi qinikkat illoqarfiit nunaqarfiillu pillugit paasisimasaqarnerunissaat ilisimasaqarnerunissaallu kiisalu kommunimi innuttaasunik oqaloqateqarnissaq ataatsimiitit angalanissaanni siunertaavoq. Ataatsimiitit angalaneranni aamma ataatsimiitit namminneq suliassaqarfimminut tunngasunik paasisaqarnerunissaat isumassarsiortarnissaallu saniatigut periarfissaassaaq.

Kommunalbestyrelsip nalinginnaasumik ataatsimiinnerani, ulloq 12. marsi 2024, ataatsimiitit angalanissaannut aaqqissugaasut qinigaaffiup naanissaanut pisussat akuersissutigineqarput (ilanngussaq 1). Aaqqissugaaneq tamanna malillugu Illoqarfimmik Ineriartortitsinermut Sanaartornermullu Ataatsimiititaq ukiaq 2024-mi Paamiunut angalassaaq.

Ataatsimiitit angalanerminni aallaavittut ikinnerpaamik nunaqarfik ataaseq ilanngullugu angalaffigisassavaat. Angalanissamat matumunnga atatillugu nunaqarfimmut angalasoqassanngilaq (Sanarfinermut Avatangiisinillu Ingerlatsivimmi nunaqarfinni akisussaaffeqarfiit Inoqarfimmut Avatangiisinullu Ataatsimiititap ataaniimmata).

Angalanissamat piffissaq uge 44-miissaaq. Periarfissap aappaatut ataatsimiitit angalanissaa sapaatip akunnera 46-mi ingerlanneqarsinnaavoq.

### Ingerlatsivimmit aningaasatigut sulisoqarnikkullu naliliinerit

2024-mi ataatsimiitit angalanissaanut 950.000 koruuninik immikkoortitsisoqarpoq.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- Ataatsimiitit angalanissaannut pilersaarut
- Kommunit aqunneqarnerat pillugu Inatsisartut inatsisaat (Aqutsineq pillugu inatsit)

### Ilanngussat

1. Siulittaasup aalajangiinera ullulerlugu atsiorneralu

## **Punkt 2: Upalungaarsimaneq pillugu sanaartornermut naatsorsuutit - 2023**

### **Beslutning**

Ilisimatitsissut tusaatissatut tiguneqarpoq

## Upalungaarsimaneq pillugu sanaartornermut naatsorsuutit - 2023

Ilisimatitsissut

SagsiD.: EMN-2024-02623

Upalungaarsimanermut Ataatsimiititaliarsuaq – Upalungaarsimanermut pisortaq Jes D. Andersen / JDAN

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsiner

Sanaartornermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuusutissarsiornermullu Ataatsimiititamut ilisimatitsissutit ingerlateqqinneqassasoq

### Suliassamik saqqummiussineq

Upalungaarsimasut 2023-ip naanerani sanaartornermut missingersuutini 1.3 mio koruunik atuinerupput. Matumani 0.5 mio koruunit qatserisartoqarfimmu nutaamut nukissiuutini atuiner

2023 – 2026 Upalungaarsimanermut immikkoortumut pilersaarummik akuersissuteqarnermut atatillugu illunut atortunullu aningaasaliissuteqarnissanut arlalinnut aningaasaliissuteqartoqarpoq. 2022-mi 2023-milu atuineruneq 2024-mut upalungaarsimasut sanaartornermut missingersuutaannit akilerneqassaaq. Tamanna ukiuni aggersuni upalungaarsimasut sanaartugassanut aningaasaliissutaannut sunniuteqarsinnaassaaq, upalungaarsimasut matumunnga taarsiutissatut taarsiissuteqarfigineqassanngippata.

Ilisimatitsissut una pineqartoq Upalungaarsimanermut Ataatsimiititaliarsuup 1. juuli 2024-mi ataatsimiinnerani saqqummiunneqarpoq. Upalungaarsimanermut Ataatsimiititaliarsuup ilisimatitsissut tusaatissatut tiguua ilisimatitsissullu Illoqarfimmik Ineriartortitsiner

### Ingerlatsivimmit aningaasatigut sulisoqarnikkullu naliliinerit

Sanaartornermut missingersuutini atuineruneq maannakkut Sanaartugassanut Iluarsagassanullu Aningaasaateqarfiup ataani upalungaarsimasut kontuata iluani matussuserneqassaaq. TB1 – 2024-mut atatillugu ingerlatsiviup ilassutit aningaasaliissutini qinnuteqartoqarsinnaanersoq pillugu qanimut nalilersussavaa.

### Suliffeqarfimmu Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuiner

### Ilanngussaq

Soqanngilaq.

## **Punkt 3: Upalungaarsimasunut ingerlatsinermut naatsorsuutit - 2023**

### **Beslutning**

Ilisimatitsissut tusaatissatut tiguneqarpoq.

## Upalungaarsimasunut ingerlatsinermit naatsorsuutit - 2023

Ilisimatitsissut

SagsID.: EMN-2024-02623

Upalungaarsimanermit Ataatsimiititaliarsuaq – Upalungaarsimanermit pisortaq Jes D. Andersen / JDAN

Sanarfinermit Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermit Avatangiisinullu Ingerlatsivimmit Illoqarfimmik Ineriartortitsinermit

Sanaartornermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermit Inuussutissarsiornermullu Ataatsimiititamut ilisimatitsissutit ingerlateqqinneqassasoq

### Suliassamik saqqummiussineq

Upalungaarsimasut 2024-mi isertitatigut matussusilluni ingerlatsineranut pingaarutilimmik kaaviiartitani qaffariaateqarput. Tamanna ikuallattumik nalinginnaasumik qamiterineq, ikiueqqaarneq, imarsiornermik STCW-mik ilinniagaqarneq aamma qatserinermit pikkorissarnerit allanut ilinniagaqarnernut tunngatillugu pingaarnertut suliat amerlaneruleneri patsisaavoq.

Upalungaarsimasut atortussaanni sulisullu ilinniagaqarsimassusianni annertunerusumik kinguaattooqqasoqarpoq. Taamaattumik isertitaqarneruneq atorlugu sulisunut nutaanik piginnaasaqartitsilersitsinermit aammalu atortussanut nutaanut aningaasaliissutaavoq.

Upalungaarsimasut 2023-ip naanerani mingutsitsinerit annertunerusut arlaliusut suliarivaat, aningaasartuutaalu 2023-mi naatsorsuutitut ilanngunneqarlutik, taamaattorli isertitat aatsaat 2024-mi naatsorsuutitut ilanngunneqarput. Aammattaaq akiligassiissut annertunerusoq 2024-mi akilerneqartussa q upalungaarsimasut tiguaat, 2023-mi naatsorsuutitut ilanngunneqaraluartoq. Tamanna 1.265 mio koruuninik atuinerusoqarsimaneranik kinguneqarpoq.

Tamanna atuineruneq Sanarfinermit Avatangiisinullu Ingerlatsivimmi siunertanit allanit atuikinnerunermit matussuserneqassaaq.

	Naatsorsu utit 2022	Missingersuut aaqqaartut 2023	Missingersu utit iluarsisat 2023	Naatsorsuutit 2023	Nikingassut
<b>Isertitat</b>	-2.186.949	-1.031.608	-1.031.608	-5.893.479	-4.861.871
<b>Aningaas artuutit</b>	17.260.207	17.202.803	17.202.803	23.330.589	6.127.786
<b>Katillugit</b>	15.073.258	16.171.195	16.171.195	17.437.110	1.265.915

Ilisimatitsissut una pineqartoq Upalungaarsimanermit Ataatsimiititaliarsuup 1. juuli 2024-mi ataatsimiinnerani saqqummiunneqarpoq. Upalungaarsimanermit Ataatsimiititaliarsuup ilisimatitsissut tusaatissatut tiguaa ilisimatitsissullu Illoqarfimmik Ineriartortitsinermit Sanaartornermullu Ataatsimiititamut ingerlateqqinneqassasoq aalajangiullugu.



### **Ingerlatsivimmit aningaasatigut sulisoqarnikkullu naliliinerit**

Atuineruneq Sanarfinermut Avatangiisinullu Ingerlatsivimmi siunertanit allanit atuikinnerunermi matussuserneqassaaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoonissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

### **Ilanngussaq**

Soqanngilaq.

## **Punkt 4: Nuummi sumiiffiit aqquserngillu taaguserneqartussat**

### **Beslutning**

Imm. 1. Ataatsimiititaq inaarutaasumik aalajangiivoq, iliveqarfiup tungaanut aqqusineq ima taaguserneqassasoq: Iliveqarfiup aqqutaa.

Imm. 2. Akuersissutigineqarpoq Aqqusineq taaguserneqassasoq, Saqqarliit.

Imm. 3. Akuersissutigineqarpoq Aqqusineq taaguserneqassasoq, Qoorua.

### **Bilag**

Iliveqarfiup tungaanut nunap assinga

Saqqarliit-Saqqarlernut nunap assinga

Mannguanut aqqusinermut nutaamut nunap assinga

# Nuummi sumiiffiit aqquserngillu taaguuserneqartussat

Aalajangiiffigisassaq

SagsID.: EMN-2024-01887

Sanarfinermut Avatangiisinullu Ingerlatsivik – pisortaq Søren Pedersen / SSKP

## Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

1. iliveqarfiup tungaanut aqqusineq taaguuserneqassasoq, ima
2. aqquserngit Saqqarliit aamma Saqqarlernut kattunneqassasut
3. Mannguani sanaartukkamut nutaamut aqqusineq atserneqassasoq

## Suliassamik saqqummiussineq

Iliveqarfiup tungaanut aqqusineq taaguuserneqassasoq, ima

Nassuiaat / tunngavilersuut:

Ukiumi iliveqarfiup tungaanut aqquserngup qulleqannginnera isumannaallisaanertigut aarlerinartumik aamma toqqissisimannginnermik pilersitsivoq. Nukissiorfiit aqqusineq atserneqarsimanngippat aqqusinermi qullilersuisinnaanngillat. Qulaaniit ammut pingaarnersiuneq.

Inassuteqaat:

- Ikaarfik
- Naaffia
- Eqqissivik

Aqquserngit Saqqarliit aamma Saqqarlernut kattunneqassasut

Nassuiaat / tunngavilersuut:

Aqqit assigiiat Saqqarliit aamma Saqqarlernut paatsiveerutsitsisarput, tamannalu qatserutinut allakkerisunullu kukkunernik kinguneqartitsisarpoq. Ajornartorsiut iluarsiniarlugu aqqusernit kattunnissaat siunnersuutigineqarpoq.

Inassuteqaat:

- Saqqarliit

Mannguani sanaartukkamut nutaamut aqqusineq atserneqassasoq

Nassuiaat / tunngavilersuut:

Najukkap eqqortumik nalunaarutiginnissaanut illoqarfiullu pilersaarusiornissaanut aqquserngit aqqi pisariaqarput. Qaqqajunnat marluk akornanni aqqusineq appakaaffik itersartaqarpoq "Qoorua"-nik kalaallisut taaguutilimmik. Aqqa naleqquppoq najukkamilu inuiaqatigiit kinaassusaannut patajaallisaalluni.

Inassuteqaat:

- Qoorua

## Ingerlatsivimmit aningaasatigut sulisoqarnikkullu naliliinerit

Piffimmi aningaasartuutit ingerlatsivimmit aningaasaliissutaareersut iluanni pisinnaavoq.

## Suliffeqarfimmut Kiffartuussivimmit aningaasatigut naliliineq

Pisariaqanngilaq.

## Inatsisitigut tunngavissaq allakkallu tunngaviusumik uppernarsaatillit

- Sumiiffiit Aqquserngillu Taaguutaannik Siunnersuisoqatigiinnut Ileqqoreqqusaq

## Ilanngussat

1. Iiveqarfiup tungaanut nunap assinga
2. Saqqarliit-Saqqarlernut nunap assinga
3. Mannguanut aqqusinermut nutaamut nunap assinga

## **Punkt 5: 2025-mut missingersuutit**

### **Beslutning**

Ingerlatsivimmut utertinneqarpoq, ima oqaaseqaatitalerlugu:

Siulittaasup siunnersuutigaa, ingerlatsivik piunnaffigineqarpoq, ataatsimiititap tulliani ataatsimiinnissaanut pingaarnersuinermini allattorsimaffiliussasoq.

### **Bilag**

Missingersuutitut siunnersuut 405.1

Missingersuutitut siunnersuut 405.2

Missingersuutitut siunnersuut 405.3

Missingersuutitut siunnersuut 405.4

Missingersuutitut siunnersuut 405.5

Missingersuutitut siunnersuut A405.1

## 2025-mut missingersuutit

Allaffissornermi missingersuutitut siunnersuutit politikikkut pingaarnersiorneqartussat

Aalajangiiffigisassaq

SagsID.: EMN-2024-01487

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermit

Sanaartornermullu Ataatsimiititamat inassuteqaatigaa:

1. ingerlatsiviup 2025-mut missingersuutitut siunnersuutaa ikiliartorneri malillugit pingaarnertinneqassasoq
2. pingaarnersiuiineq 2025-mut missingersuutitut Aningaasaqarnermut Inuussutissarsiornermullu Ataatsimiititami politikikkut missingersuutitut isumaqatiginninniarnissanut ilanngunneqassasut, 2025-mut missingersuusiiornermi malittarisassat innersuussutigalugit

### Suliassamik saqqummiussineq

2025-mut missingersuutit suliarinerinut atatillugu Kommunalbestyrelsip juunip 25-ani 2024-mi 2025-mut missingersuusiiornermi malittarisassat akuersissutigai. Taanna naapertorlugu ukiumut tulliuttumut allaffeqarfiup missingersuutitut siunnersuutai ataatsimiitit susassaqtut ataasiakkaat pingaarnersiussavaat. Ataatsimiitit susassaqtut taamatut pingaarnersiuiinerat pereerpat kingornagut eqqartuinissanut ilanngunneqassapput, 2025-mut missingersuutissat Aningaasaqarnermut Inuussutissarsiornermullu Ataatsimiititami suliarineqarnissaannut atatillugu ingerlanneqartussami.

Missingersuutitut siunnersuutit ilanngunneqartut pingaarnersiorneri imaanngilaq, ataatsimiititap susassaqtut akuerisimagai, imaluunniit siunnersuutit ataasiakkaat itigartissutigisimagai. Pingaarnersiuiineri allaffissornermi siunnersuutit sorliit piffissami missingersuusiiorfiusumi ataatsimiititami pingaarnarpaatut naliliiffigineqarneri pineqarput.

Missingersuusiiornermi malittarisassani aalajangerneqarneri malillugit kingornagut iliuuseqarfissanik pilersitsisoqassaaq erseqqissumik politikikkut missingersuutissanut siunnersuutit, taakkulu aggustip naalernerani septembarillu aallartisimalernerani suliarineqassapput, 2025-mut missingersuusiiornermi malittarisassat innersuussutigalugit.

2025-mut missingersuutitut Suliffeqarnermut Isumaginninnermullu Ingerlatsivimmi allaffeqarfimmiit missingersuutissat siunnersuutaasut ataatsimiititami pingaarnersiugassatut kissaatigineqartut kakkiussamiipput. Allaffeqarfimmiit sanaartugassanut tunngasunik ataatsimik siunnersuutissaqarpoq.

### Ingerlatsivimmit aningaasatigut sulisoqarnikkullu naliliinerit

Pisariaqanngilaq.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- Kommunit Namminersorlutillu Oqartussat missingersuutaat naatsorsuutaallu pillugit  
Inatsisartut Inatsisaat nr. 26, 28. november 2016-imeersoq  
Missingersuutit naatsorsuutillu
- 2025-mut Missingersuusiornermut malittarisassat

### **Ilanngussat**

1. Missingersuutitut siunnersuut 405.1
2. Missingersuutitut siunnersuut 405.2
3. Missingersuutitut siunnersuut 405.3
4. Missingersuutitut siunnersuut 405.4
5. Missingersuutitut siunnersuut 405.5
6. Missingersuutitut siunnersuut A405.1

## **Punkt 6: Ukkusissat Kangilequtaatigut aqutissaliorneq**

### **Beslutning**

Inassuteqaat akuersissutigineqarpoq, ima oqaaseqaatitalerlugu:

Ajornangippat tunisarniaassuseqarneq sapaatip akunnerinik sisamanik sivilissuseqassasoq.

### **Bilag**

Nunataata assinga

Ansøgning Qamutit - Mangler oversættelse

Snescooterinut ileqqoreqqusaq



## Ukkusissat Kangilequtaatigut aqutissaliorneq

Aalajangiiffigisassaq

SagsID.: BOG-2021-06118

Sanarfinermut Avatangiisinullu Ingerlatsivik – Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

1. aqutiliorneq pillugu siunnersuut sapaatip akunnerini 6-ini tamanut tusarniaassutigineqarnissaa akuerineqassasoq
2. suliap tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsiviup matumuuna Qamutit Ammukariami aqut pillugu siunnersuut saqqummiuppaa.

Ingerlatsivimmit qamuteralaatileqatigiit Qamutit qinnuteqaataa tiguaa, taakku Ukkusissat Kangilequtaata avannaata tungaani aqutiliorneqarnissamik kissaateqarput. Aqutip Nuummi innuttaasunut Nuup timaata tikikkuminarnerulernissaa aamma sammisassanut assigiinngitsunut siunertarivaa, taakkununga qamuteralammik ingerlaarneq, pisunneq il.il. ilaapput. Pilersaarutaavoq ukiumi apummi illiniliortoqartarnissaa illiniliuutit atorlugit. Inissisimanagera pillugu llannugussaq 1 takujuk. Qaarsumik 270 - 300 m<sup>2</sup>-imik qaartiterisoqarnissaa qinngutigineqarpoq. Qaartiterneqartussaq 6x30 m-inik takissuseqassaaq, talerpiani 2 meterit missiliorlugit portutigisoq saamiatalu tungaani 1 meterip missaaniittoq. Qaartiternerlukut aqqusiniliornermut aamma atorneqassapput. Kommunimut pilersaarummi taamatut periarfissaqartitsisoqanngimmat siunnersuut sapaatip akunnerini 6-ini tamanut tusarniaassutigineqassaaq. Aqut atorneqarusuttoq taannaavoq ukiut 30-40-t matuma siornatigut qamuteralannik nutaanngitsunit atorneqartartuuvoq. Ammukariaq ullumikkut aqutitut atorneqartarpoq. Taanna sivinganeruvoq qummukarfigalugulu ajornakusoornerusinnaavoq. Assit takujumallugit llannugussaq 1 takuuk.

Ammukariakkut aquteqalernissaa kikkunnut tamanut, aamma SAR-eqartoqartillugu, qummut amnullu qamuteralannik ingerlaffigineqarsinnaalissasoq Qamutit naliliivoq. Pilersaarutigineqartoq NSP-spor/trace udvalgimit, Sisorarfinniit/majuartaatinit tapersorsorneqarpoq. Ujakkarfik annertuumik allineqarsinnaavoq timersornermillu aqqissussanut atorneqarsinnaalluni. Pilersaaruseriusumut assartuinermut atatillugu avatangiiseq mianerineqartussaavoq, tamanna Qamuteralaat pillugit ileqqoreqqusani allaaserineqarpoq aamma llannugussaq 3-mi takutinneqarpoq.

### Ingerlatsivimmit aningaasatigut sulisoqarnikkullu naliliinerit

Siunnersuut aningaasatigut sulisoqarnikkullu kinguneqarnaviannngilaq, qinnuteqartumit akilerneqartussaamat.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)



- Namminersorlutik Oqartussat qamutit motorillit pillugit nalunaarutaat
- Nunaannarmi kiisalu illoqarfiit nunaqarfiillu killeqarfiini assartuutininik motorinik ingerlatilinnik atuineq pillugu ileqqoreqqusaq.

### **Ilanngussaq**

1. Nunataata assinga
2. Ansøgning Qamutit DK
3. Snescooterinut ileqqoreqqusaq

## **Punkt 7: Inissiaqarfimmi ulloq unnuarlu angerlarsimaffik – Isaajap Aqq., Nuuk**

### **Beslutning**

Inassuteqaat akuersissutigineqarpoq.

### **Bilag**

Ulloq unnuarlu angerlarsimaffiup nalunaarsornera

Nuummi B-1752-ip atorneqarnerata allanngortinnissaanut qinnuteqaat pillugu eqqaamiunik tusarniaaneq

## Inissiaqarfimmi ulloq unnuarlu angerlarsimaffik – Isaajap Aqq., Nuuk

Atuinerup allangortinnissaanut qinnuteqaat

Aalajangiiffigisassaq

SagsID.: BOG-2021-03166-003

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

1. inissiap atorneqarnerata ulloq unnuarlu angerlarsimaffimmut allangortinneqarnissaanik qinnuteqaat akuersissutigineqassasoq
2. suliaq ilisimatitsissutitut Aningaasaqarnermut Inuusutissarsiornermullu Ataatsimiititamut kingornalu Kommunalbestyrelsimut ingerlateqqinneqassasoq

### Suliassamik saqqummiussineq

Nuummi inissiaqarfimmi (immikkoortoq A) illup atorneqarnerata allangortinnissaa pillugu qinnuteqaat ingerlatsivimmit tiguneqarpoq. Isaajap Aqq. 16-imi, B-1752-imi ulloq unnuarlu angerlarsimaffik 21-02-2022-miit 21-02-2024-mut nunaminertamik atuinissamut kingullermik piffissaliunneqartoq KT-Ejendomme Nuuk A/S-imit ingerlanneqarpoq. Najukkami pineqartumi ulloq unnuarlu angerlarsimaffiup 20/3-2024-miit killeqanngitsumik atuutilernissaanut qinnutigineqarpoq.

Qinnuteqaat Sanarfinermut Avatangiisinullu Ataatsimiititami ulloq 08.03.2021-mi siullermik oqaluserineqarpoq. Ulloq 14.09.2021-mi ataatsimiinnermi ataatsimiititami aalajangiunneqarpoq: *”Suliffeqarfiup takusarneqareernerani, suliffeqarfik soorlu nipiliornerunikkut artukkerneqarlunilu angallaffiunikkut eqqaamiunut akornusersuiffiunngitsoq, kiisalu biiliniq unittarfinnik amerlanerusunik pisariaqartitsiffiussanngitsoq nalilerneqarpoq, taamaattumillu suliffeqarfik kommunalbestyrelsimit inissiaqarfittut akuersissuteqarfigineqarnissaminut piumasaqaatinik naammassinnilluni.”*

Qinnuteqartup maanna ulloq unnuarlu angerlarsimaffimmut nunaminertamik killiligaanngitsumik atugassinneqarnissaq qinnutigaa qinnuteqaannilu ima nassuiaaserlugu:

1. Inuusuttut 13-it 18-illu akornanni ukiullit najugaqartussaapput.
2. Ullukoortut unnukoortullu marlukkaartartussaapput unnuarsiortorlu ataasiusartussaalluni.
3. Meeqqat atuartuupput.
4. Suliffeqarfiup kingunerisaanik angallattoqarnerulernaviangilaq.
5. Suliffeqarfiup kingunerisaanik biilnut uninngasarfissanik pisariaqartitsinerusoqarnaviangilaq.

### Eqqaamiunik tusarniaaneq

Eqqaamiunik tusarniaasoqarnikuvoq kingornalu akerliliissutitut tiguneqartut tunngavigalugit ukiunik marlunnik sivisussusilikkamik immikkut akuersissuteqarallartoqassasoq aalajangiunneqarnikuvoq. Najukkami pineqartumi killiligaanngitsumik atuinissamut akuersissummut aporfusinnaasunik ukiut kingulliit marluk ingerlanerini pisoqarsimangilaq.

Isaajap Aqq. 16-imi piffissamik killilikkap ulloq unnuarlu angerlarsimaffimmut killeqanngitsumut allangortinnissaanut qinnuteqaammut atatillugu ingerlatsivimmiit eqqaamiunik qaninnerpaaniittunik tusarniaaneq ingerlanneqaqqippoq. 2024-mi maajip ulluisa arfineq-pingajuanniit 2024-mi maajip ulluisa 24-annut tusarniaasoqarpoq. Tusarniaanermi akissutinik ingerlatsivimmi tigusaqanngilagut.

### Kommunimut pilersaarut



Taamatut illuliarineqarnerata isikkua qanorlu issusaata atorneqarnera ulloq unnuarlu angerlarsimaffinngortinnerani allanngortinneqarnaviangilaq.  
Kommunimut pilersaarummi immikkoortup ilaa 1A6-imi Qaqortoq & Avannarliit, Nuummi ulloq unnuarlu angerlarsimaffimmik ataatsimik nalunaarsorsimasoqarpoq, taannalu Ulineq 2, B-1271-imiippoq.

Ingerlatsiviup naliliinera naapertorlugu immikkoortumi suliffeqarfeqalernera immikkoortup inissiaqarfittut suussusaa allanngortinngikkaluarlugu pisinnaavoq.

### **Ingerlatsivimmit aningaasatigut sulisoqarnikkullu naliliinerit**

Inissiamiit ulloq unnuarlu angerlarsimaffimmu allanngortitsineq aningaasatigut sulisoqarnikkulluunniit kinguneqarnaviangitsoq ingerlatsivimmiit nalilerneqarpoq.

### **Suliffeqarfimmu Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussaq**

1. Ulloq unnuarlu angerlarsimaffiup nalunaarsornera
2. Nuummi B-1752-ip atorneqarnerata allanngortinnissaanut qinnuteqaat pillugu eqqaamiunik tusarniaaneq

## **Punkt 8: Apummik sisoortoqartillugu upalungaarsimanermut oqallissaarut**

### **Beslutning**

Inassuteqaat akuersissutigineqarpoq, ima oqaaseqaatitalerlugu:

Aningaasartuutitaqarnerussappat susassaqtutut oqartussaaffeqarfik matussusiisussatut akisussaaffilerneqassaaq.

### **Bilag**

Suliamut pilersaarusiaq, nunaannarmi aputsip sisoornerani annaassiniarneq



## Apummik sisoortoqartillugu upalungaarsimanermut oqallissaarut

Aalajangiiffigisassaq

SagsID: EMN-2024-02623

Upalungaarsimanermut ataatsimiititaliarsuaq – Upalungaarsimanermut pisortaq Jes D. Andersen / JDAN

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

1. inassuteqaat akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut oqaluuserisassanngorlugu ingerlateqqinneqassasoq

### Suliassamik saqqummiussineq

Upernaami 2024-imi upalungaarsimasut, Upalungaarsimanermut ataatsimiititaliarsuarmiit peqquneqarsimapput, Kommuneqarfik Sermersuumi pinngortitami apummik sisoortoqarsimatillugu annaassiniarnissamut suleriesissamik saqqummiusseqqullugu.

Upalungaarsimasut suligasuartussanik pilersitsisimavoq, upalungaarsimasut januaarip aallaqqaataaniit 2023 aallarnerfigalugu aammalu 15. juuni 2024 tikillugu, annaassiniarnermik peqataasimaneri aallaavigalugit, suliat nassuiaasersorsimallugit.

Annaassiniarnermi suliat qulit, Tasiilap Nuullu eqqaani pisimasut aallaavigineqarput. Tasiilami amerlanertigut suliat SAR-iusut pineqartarput, tassani qamuteralaat atorlugit suliat ingerlanneqartarlutik. Nuup eqqaani amerlanertigut ajoqusersimasut, apummillu sisoortoqarsimatillugu annaassiniarnerit minnerusut eqqartorneqarlutik.

Suliamik pilersaarusiap allaaserineqarnissaanut – ilanngussaq 1 – upalungaarsimasut qanimut suleqatisimavai, Norsk Fjellsenter – Qaqqani annaassiniarnermi Nasjonalt kompetansesenter for fjellredning aammalu Islandimi ICE-SAR, taakkuummata sulianut pineqartunut misilittagaqarluartut.

Pinngortitami illoqarfiup avataaniittumi annaassiniarneq Kalaallit Nunaanni Politiit aammalu peqqinnissaqarfimmit akisussaaffik tigummineqarpoq. Amerlasuutigulli namminneerlutik suliamik aallarniisinnaaneq ajornakusoortarpoq, taamaattumillu upalungaarsimasut ikiortiserineqartarput, annaassiniarnerup ingerlanneqarnissaa ilaannakortumik tamakkiisumilluunniit ingerlanneqarsinnaasarluni. Piffinni suligasuortoqartillugu, upalungaarsimasut ikiortiserineqartillugit, upalungaarsimasuniit akiligassamik nassiussisoqartarpoq, tassani atorlut aammalu innuttat atornerqartut aallaaviusarlutik. Upalungaarsimasut apummik sisoortoqarsimatillugu suligasuartussanik pilersitsissappat, innuttat piginnaasaat aammalu atorlutigut nalimmassarneqarnissaat pisariaqarpoq, taamaattumillu Kalaallit Nunaanni Politiit aammalu Peqqinnissaqarfiup upalungaarsimasuutitai peqatigalugit isumaqatigiissusiortoqartariaqarpoq, upalungaarsimasut ikiortiserineqassappata.

Suliassamik saqqummiussissut una pineqartoq Upalungaarsimanermut Ataatsimiititaliarsuup 1. juuli 2024-mi ataatsimiinnerani saqqummiunneqarpoq. Upalungaarsimanermut Ataatsimiititaliarsuup inassuteqaat akuersissutigaa suliarlu Illoqarfimmik Ineriartortitsinermut Sanaartornermullu Ataatsimiititamut suliassanngorlugu ingerlateqqinneqassasoq aalajangiullugu.

**Ingerlatsivimmit aningaasatigut sulisoqarnikkullu naliliinerit**

Pilersaarussiaq aningaasartalerneqarpoq 1.500.000 kr.-nik nalilimmik. Upalungaarsimasut namminerisamik isertitassatut aningaasartuutissatullu missingersuutaanni taakku ilaanngillat.

**Suliffeqarfimmut Kiffartuussivimmit aningaasatigut naliliineq**

Maannakkumut siunertamut tassunga aningaasanik immikkoortitsisoqarnikuunngilaq.

**Inatsisitigut tunngavissaq allakkallu tunngaviusumik uppernarsaatillit**

- Inatsisartut inatsisaat nr. 14, 26. maj 2010-meersup, Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinerimi iliuusissat
- Kalaallit Nunaanni SAR - Imm. 1, Arktisk Kommando-miit nassiunneqartoq november 2022.

**Ilanngussaq**

Suliamut pilersaarussiaq, nunaannarmi aputip sisoornerani annaassiniarneq

**Punkt .: Tamalaat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14.58

